



Budimpešta | Mađarska

30. august 2016

Otvoreno pismo korisnicima programa Fonda za obrazovanje Roma

Dragi korisnici programa Fonda za obrazovanje Roma:

U ime Fonda za obrazovanje Roma, želim da vam lično uputim naše pozdrave i da vam poželim uspjeh u novoj školskoj godini. Vjerujem da ste se odmorili tokom ljetnog raspusta i da ste sada spremni za nove izazove i učenje. Želio bih da naglasim da su vaše potrebe u pogledu obrazovanja od suštinskog značaja za našu misiju, bez obzira da li ste učenik, student, roditelj ili nastavnik. REF je posvećen pružanju podrške u postizanju respektabilnih obrazovnih postignuća. Od 2005. godine, zajedno smo prešli dug put, strpljivo i uporno, ujedinjujući napore kako bismo zajedno došli do zajedničkog cilja – sticanja znanja i diplome.

Na početku nove školske godine, želim da vam prenesem tri važne poruke o našem budućem radu.

Prvo, REF će nastaviti da radi sa školama, nastavnicima i roditeljima u cilju podsticanja institucionalnog dijaloga i poticaja za bolje rezultate obrazovanja romskih učenika. **Obrazovanje djece je obavezno i ono je također odgovornost školskog sistema, dužnost koja obavezuje, naročito škole, nastavnike i roditelje, kako bi se osiguralo da sva djeca ostvare svoje potencijale.** Obrazovanje Roma pripada redovnom sistemu obrazovanja. Kao takvo, ono mora biti adekvatno uzeto u obzir pri postavljanju budućih institucionalnih rješenja. Ipak, praksa pokazuje da "blagi" podsjetnici o pravnoj i institucionalnoj odgovornosti ne dovode do poboljšanja odgovornost ključnih aktera, što znači da ćemo se u narednim godinama morati nositi s izazovom istorijskog naslijeđa diskriminacije u našim društvima.

Drugo, REF-ova misija i intervencije su zasnovani (i opravdani) kolektivnim položajem romske populacije u Evropi. **U principu, ukupni cilj REF-ovih intervencija je usko povezan sa EU definicijom socijalne inkluzije, po kojoj vjerujemo da je obrazovanje alat za mir i prosperitet, kao i kapitalna investicija za prevenciju konflikta i podršku socijalnoj koheziji.** REF-ovu podršku dobija ograničen broj pojedinaca, škola i zajednica, uz očekivanje da, u određenom trenutku, većina njih postanu nosioci promjene. Najvažnije za REF i njegove saveznike je pitanje promjene u smislu obima i kvaliteta, a posebno kako reprodukovati promjene na kolektivnom nivou.

Treće, gore navedeni izazovi nameću REF-u, njegovim partnerima i korisnicima programa, potrebu za **traženjem novih oblika participativne i proaktivne saradnje. To je osnovni preduslov, ako želimo da stvorimo socijalno pravedne i inkluzivne sisteme obrazovanja za naredne generacije romskih učenika.** Pravni okvir obrazovnih sistema je zasnovan na principima pravednosti i inkluzije. Ali u stvarnosti, obrazovne platforme i transfer znanja se u velikoj mjeri nalaze pod uticajem ekonomske i kulturne konkurencije, što posljedično oblikuje dinamiku i kvalitet socijalne interakcije među različitim grupama. REF-u je potreban vaš proaktivni angažman i doprinos radi povećanja efekta i uticaja našeg rada u širim razmjerama.

Ovim putem vas lično pozivam da se pridružite REF-ovoj mreži i založite za potrebe budućih korisnika, svih onih koji, poput vas, trebaju dodatnu podršku da prevaziđu diskriminaciju, predrasude, zanemarivanje i isključenje u školama. Postanite REF-ov glasnik, volonter ili alumna. Budite multiplicirajući faktor širenja pozitivnog glasa vašim primjerom. Izrazite svoju zabrinutost,



predlažite rješenja i podijelite svoje ideje sa svim akterima za koje vjerujete da mogu učiniti nešto za boljitak romske djece i mladih. Podijelite svoje uspjehe i uticaje sa REF-om tako da ih i mi možemo promovisati.

Ostanite u toku jer ćemo napraviti interaktivni alat za vas, kako biste mogli da komentarišete putem naše web stranice i društvenih medija u narednim danima.

S poštovanjem,

Nadir Redžepi
Izvršni direktor

Facebook: <https://www.facebook.com/RomaEducationFund>

Youtube: <https://www.youtube.com/romaeducationfundREFv>

Twitter: @romaeducation